

**dopredsjedavajući Sabahudin Delalić,
zastupnik SDA BIH
u Skupštini Kantona Sarajevo**

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r predsjedavajuće**

Na osnovu člana 106. Poslovnika o radu Skupštine Kantona Sarajevo pokrećem sljedeću

ZASTUPNIČKU INICIJATIVU

Tražim da Ministarstvo obrazovanja, nauke i mladih izmijeni Pravilnik za prijem zaposlenika u radni odnos u obrazovnim ustanovama na području Kantona Sarajevo, posebno za usmeni dio, u cilju prijema najboljih kandidata.

Objasnenje:

Ministarstvo obrazovanja, nauke i mladih Kantona Sarajevo od 2013. godine ima Pravilnik sa kriterijima za prijem zaposlenika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo kojim je znatno poboljšana i uređena procedura prijema, uvođenjem kriterija i bodovanja kandidata, što je dobro.

Ipak, pored ostalog postoji važna slabost u ovom Pravilniku koja se odnosi na bodovanje usmenog dijela konkursa, jer je moguće, a i dešava se, da rukovodilac ili komisija kojoj to povjeri podijeli potpuno paušalne ocjene, do toga da kandidatima sa većim brojem bodova po osnovu dokumentacije da minimalan broj bodova na usmenom dijelu, a kandidatima sa manjim brojem bodova po osnovu dokumentacije maksimalan broj bodova. Na taj način komisija može manipulirati procedurom prijema, i oštetiti bolje kandidate. Ovaj dio procedure se mora urediti tako da bude provjeriv i uporediv.

Kantonalna prosvjetna inspekcija je uočila masovno nezadovoljstvo kandidata i 12.03.2015.godine Ministarstvu dostavila više nepravilnosti, nedorečenosti i pogrešno propisanih odredbi Pravilnika, te je hitno potrebno ući u njegove izmjene.

Izmjene trebaju biti takve da u najvećoj mogućoj mjeri uzmu u obzir dosadašnja iskustva, primjedbe struke i na sistemski način osiguraju pravilnu proceduru i eliminiraju pristrasnost.

Predlažem da Ministarstvo, pored primjedbi Inspekcije prema kojim između ostalog treba odrediti pitanja na završnom razgovoru, odnosno usmenom dijelu, dopuni Pravilnik i tako da uvede obavezu snimanja usmenog dijela konkursa, te na taj način u slučaju spora omogući relevantnu provjeru u cilju prijema najboljih kandidata.

Sarajevo, 29.11.2015 godine

ZASTUPNIK

